

## Notisi

---

Tikinisiga: 11 ni Me, 2018

Kivei Ira Na: Vakaitutu Raraba; Mataveiliutaki Raraba ni Mataisoqosoqo; Vitusagavulu ni iWasewase; Peresitedi ni iTeki, Kaulotu, kei na Tikina; Bisopi kei na Peresitedi ni Tabana; Mataveiliutaki ni Kuoramu ni iTalatala Qase; Mataveiliutaki ni iSoqosoqo ni Veivukei, Cauravou, kei na Goneyalewa ena iTeki kei na Tabanalevu.

Mai na: Tabacakacaka ni Matabete kei na Matavuvale (801-240-2134)

Ulutaga: Ikuri ni Taro Dau Tarogi Wasoma me baleta na Veiqaravi ena Kuoramu ni Matabete i Melikiseteki kei na iSoqosoqo ni Veivukei Vaqacotaki

---

NA LOTU I  
**JISU KARISITO**  
NI YALODODONU  
EDAIDAI

Na tikidua ena ivola ni Mataveiliutaki Taumada “Veiqaravi ena Kuoramu ni Matabete i Melikiseteki kei na iSoqosoqo ni Veivukei Vaqacotaki,” enai ka 2 ni Epereli, 2018, e okati kina e vica na taro kei na kena isau me vukea na qaravi ni veiveisau ka a kacivaki ena koniferedi raraba ni Epereli 2018.

Na isau ni ikuri ni taro eso e sa okati ena notisi oqo. Na taro kei kena na isau oqo era sa vakuri talega ki na tabana ni taro dau tarogi vakawasoma ena [ministering.lds.org](http://ministering.lds.org).

# Na Veiqaravi ena Kuoramu ni Matabete i Melikiseteki kei na iSoqosoqo ni Veivukei Vaqaqacotaki

NA LOTU I  
JISU KARISITO  
NI YALODODONU  
EDAIDAI

Ikuri ni Taro Dau Tarogi Wasoma, 11 ni Me, 2018

---

## Na Kuoramu kei na iSoqosoqo ni Veivukei

### 1. E vaqaqacotaka beka na itavi ni bisopi kei na matabose ni tabanalevu na vakanamata ki na kuoramu ni italatala qase kei na iSoqosoqo ni Veivukei?

Io. Na bisopi e bete levu vakatulewa ka “vakarautaka na veidusimaki kei na ivakasala ki vei ira na vakaitutu ena tabanalevu” (*iVoladusidusi 1, 2.1.1*). E raica lesuva ka vakadonuya o koya na ilesilesi ni veiqaravi. Ena ruku ni veiliutaki ni bisopi, na matabose ni tabanalevu e tomana tikoga na itavi bibi me “vukei ira na lewenilotu yadua me vakatorocaketaki na nodra ivakadinadina, ciqoma na cakacaka vakalotu ni veivakabulai, maroroya na veiyalayalati, ka yaco me ra tisaipeli yalodina i Jisu Karisito” (*iVoladusidusi 2, 4.4*). Na kuoramu ni italatala qase kei na iSoqosoqo ni Veivukei vaqaqacotaki—matataki mai vei ira na peresitedi, ka ra lewe ni matabose ni tabanalevu—ena toroyacake na yaga ni matabose oya.

### 2. Na kuoramu cava era lewena na lewe ni mataveiliutaki ni valetabu, tabana ni kaulotu, kei na koronivuli ni kaulotu?

O ira na veitacini oqo era lewena na kuoramu ni italatala qase ni nodra tabanalevu.

### 3. Ena dua na iteki, era lewena beka na kuoramu ni bete levu na bete levu ka ra veiqaravi ena dua na mataveiliutaki ni tabana?

Sega. O ira na Bete levu ka veiqaravi tiko ena mataveiliutaki ni tabana ena dua na iteki era sega ni lewena na kuoramu ni bete levu. O ira na lewe ni kuoramu ni bete levu sai ira ga era gadrevi me ra bete levu ena vuku ni nodra veikacivi ena mataveiliutaki ni iteki, ena matabisopi, ena matabose e cake, kei na peteriaki e veiqaravi tiko.

### 4. O ira na italatala qase veiqaravi tiko ena dua na matabisopi (me vakataka, ena dua na iteki ni itabagone qase cake) era lewe beka ni kuoramu ni bete levu?

Sega. O ira na italatala qase veiqaravi tiko ena dua na matabisopi era sega ni lewena na kuoramu ni bete levu.

### 5. E dodonu beka mera sikova se vakatarogi ira na lewe ni kuoramu na mataveiliutaki ni kuoramu ni italatala qase vakadua ena dua na yabaki (raica na *iVoladusidusi 2, 7.3.2*)—me ikuri ni veivakatarogi ni veiqaravi vaka vulatolu?

Io. Me tiki ni nodra itavi raraba, na mataveiliutaki ni italatala qase e dodonu me vakatarogi ira na lewe ni kuoramu me baleta na itavi kece ni matabete—oka kina na nona tiko-vinaka, na watina, kei na nona matavuvale—ke lailai vakadua ena dua na yabaki. Na veivakatarogi oqo e rawa ni vakayacori ena loma taucoko ni yabaki. Na veivosaki oqo e sega ni dodonu me umani vata kei na dua na veivakatarogi ni veiqaravi ka tiko talega kina edua na itokani.

**6. O cei e rawa ni vukea na mataveiliutaki ni kuoramu ni italatala qase kei na iSoqosoqo ni Veivukei me vakavatukanataka na cakacaka ni veivakabulai?**

Na mataveiliutaki ni kuoramu ni italatala qase kei na iSoqosoqo ni Veivukei e rawa ni vakayagataki ira na lewena me vukea na vakavatukanataka ni cakacaka me vaka e gadrevi. Me ivakaraitaki, era rawa ni kacivi ira na lewena me liutaka ka vukea na veicakacaka vaka veiqaravi, valetabu kei na tuva kawa, wasei ni kosipeli, kei na welefea.

**7. E rawa beka ni sivia na dua na kuoramu ni italatala qase se iSoqosoqo ni Veivukei ena dua na tabanalevu?**

Io. Ena yalo ni tikina ena Vunau kei na Veiyalayalati 107:89, ni tiko ena dua na tabanalevu e dua na iwiliwili levu ni Matabete i Melikiseteki bulabula, e rawa ni ra vakaduria na iliuliu e sivia na dua na kuoramu ni italatala qase. Ena veigauna vakaoqori, me na vakatautauvatataki toka na kuoramu yadua ena yabaki ni bula, kila, kei na itutu ni matabete kei na kena kaukauwa. E vakatalega oqori ki na iSoqosoqo ni Veivukei.

## **Veiqaravi**

**8. E kovuti ira vakacava na lewe ni kuoramu ni bete levu na veiqaravi?**

Ena veidusimaki ni nodra bisopi, na bete levu vakatulewa ena tabanalevu, o ira na lewe ni kuoramu ni bete levu kei na nodra matavuvale e lesi vei ira na dauveiqaravi turaga kei na marama mai na nodra kuoramu ni italatala qase kei na iSoqosoqo ni Veivukei.

Baleta ni itavi raraba ni mataveiliutaki ni iteki kei na matabisopi e kovuti ira kece na lewe ni iteki se tabanalevu, o ira na veitacini oqo era sega ni dau lesi vaka dauveiqaravi turaga ki na tamata yadua se matavuvale. O ira na lewe ni matabose e cake kei na peteriaki bulabula e rawa ni ra lesi, vakatau ena vei ituvaki vakaitaukei, ka vakatulewataki mai vua na peresitedi ni iteki. Kevaka era sa lesi, ena vakayacori mai vua na nodra peresitedi ni kuoramu ni italatala qase ena ruku ni veidusimaki ni bisopi ena nodra tabanalevu.

E ikuri ni itavi bibi tale eso vaka bete levu vakatulewa ka daunilewa raraba e Isireli, o ira na bisopi e nodra na itavi vakatabakidua, kei ira na nodra daunivakasala, me qaravi ira na itabagone. Na Vunau kei na Veiyalayalati 107:15 e wiliki kina, “Na matabisopi e mataveiliutaki ni matabete oqo [vaka Eroni], ka tu kina na kena idola se na kena dodonu.” *Na iVoladusidusi 1, 2.2*, e kaya, “O iratou na lewe ni matabisopi eratou qarauna ka susugi ira na gonetaganke kei na goneyalewa ena tabanalevu.”

E vakatalega kina, na peresitedi ni iteki, vaka bete levu vakatulewa ni iteki, e “iliuliu taumada vakayalo ena iteki” (*iVoladusidusi 1, 1.1.1*) ka “vakatulewa ena cakacaka ni veivakabulai” (*iVoladusidusi 1, 1.1.2*).

**9. E rawa beka ni ra kaciva na peresitedi ni kuoramu ni italatata qase kei na iSoqosoqo ni Veivukei eso na ikuri ni daunivakasala me veivuke ena veiqaravi?**

Sega. E dua na peresitedi e rua na nona daunivakasala. Kevaka era raica na iliuliu ni gadrevi na ikuri ni veivuke, e rawa ni ra veivakasalataki kei na nodra bisopi me baleta na kacivi ni dua se sivia na sekeriteri dauveiqaravi. O ira na sekeriteri dauveiqaravi oqo e rawa ni lesi, me ivakaraitaki, me ra vakarautaka na veivakatarogi ni dauveiqaravi ka veivuke ena kena vakarautaki na ripote vumatolu ni veivakatarogi.

**10. Na cava na nodra itavi na dauveiqaravi kodineita kei na supavaisa?**

Na veikacivi ni dauveiqaravi kodineita kei na dauveiqaravi supavaisa e sa mai tamusuki. O ira era a kacivi ki na vei itutu oqori e dodonu me ra vakacegui.

**11. O cei e qarava na veivakatarogi ni dauveiqaravi?**

O ira yadua na lewe ni mataveiliutaki ni kuoramu ni italatata qase kei na iSoqosoqo ni Veivukei era qarava na veivakatarogi ni dauveiqaravi. Ena dua madaga na tabanalevu vakaitamera, era na raica na iliuliu ni rawa ni qaravi vinaka na veivakatarogi ni qaravi vakalalai ena veimacawa mai vei iratou yadua na lewe ni mataveiliutaki. Na veivakatarogi ni dauveiqaravi e sega ni gadrevi me balavu me rawa kina vakavinaka.

**12. Ena gauna cava ena loma ni vumatolu mera qarava kina na iliuliu na veivakatarogi ni dauveiqaravi?**

Na veivakatarogi ni dauveiqaravi e rawa ka dodonu me qaravi *ena loma taucoko* ni vumatolu yadua—ka sega ni waraka na iotioti ni macawa se iotioti ni vula ni vumatolu. Ena nodra qarava wasoma na veivakatarogi na iliuliu, era na raica ni ra rawa ni rawata na inaki vakayalo ka vakayago ni veiqaravi.

## **Era okati na iTabagone ena Veiqaravi.**

**13. E rawa beka ni ra lesi na cauravou kei na goneyalewa mera itokani dauveiqaravi kei ira na qase?**

Io. Na idusidusi ena itukutuku volai wale tikoga oqo “Preventing and Responding to Abuse” e vakatara na veitokani vakadaveiqaravi vei ira na itabagone lesi vaka itokani vei ira na qase. Na “Veiqaravi” e sega ni okati me “itaviqaravi” se “kalasi,” me vaka e vakaraitaki ena idusidusi oqori.

O ira na iliuliu e dodonu mera taurivaka na vakatulewa vakauqeti ni ra lesi ira tiko na itabagone vaka itokani dauveiqaravi. O ira na itokani qase e dodonu mera levea na vei ituvaki ka rawa ni tauri vakatani. E dodonu mera qarauna na vei tuvaki me baleta na veimaliwai vakayadudua me rawa ni ra rawata na itabagone na veika sotavi ni dua na veiqaravi maroroi ka vuavuai vinaka. Me ikuri, e dodonu me taurivaki na lewa vuku mera kua ni lesi na itabagone ki na vei ituvaki vaka vuvale se matavuvale dredre.

**14. E dodonu beka mera lesi vaka dauveiqaravi o ira kece na Leba kei na iSakisaki?**

E rawa ni ra sureti na Leba kei na iSakisaki mera veiqaravi. Era veivakasalataki na itubutubu kei ira na iliuliu kei ira yadua na goneyalewa, ka kevaka sa donu na nona ituvaki ka sa makutu me veiqaravi, sa rawa me soli vei koya e dua na ilesilesi. O ira na goneyalewa era veiqaravi vaka itokani vei ira na marama iSoqosoqo ni Veivukei.

**15. O cei e vakarorogotaka na i lesilesi ni dauveiqaravi vei ira na itabagone?**

Ena veivakadonui ni bisopi, e dua na lewe ni mataveiliutaki ni iSoqosoqo ni Veivukei e solia na ilesilesi vakadauveiqaravi vei ira na Leba kei na iSakisaki. Kei na veivakadonui ni bisopi, e dua na lewe mataveiliutaki ni kuoramu ni italatala qase e solia na ilesilesi vakadauveiqaravi vei ira na ivakavuvuli kei na bete.